

Torersaarnissamut maleruagassat najugaqatigiiffik 190 – Iserit A/S - Nuuk

Aallaqqaasiut

Saniliniq najugaqatinillu mianerinninnissaq pingaaruteqarpoq. Najugaqartut akunnerminni ajunngitsumik pis-suseqarfignarnerat najugaqarfimmi pitsaasumi toqqissisimanissamut annertuumik sunnuteqaqataasarpoq.

Attartortup inissiaq paarinerluppagu, aserorteriffigippagu imaluunniit attartortoq ineqarnermut kiassarnermullu aki-linngitsuukkaminik akiligassaqaqalerpat attartortitsisup attartorneq atorunnaarsissinnaavaa.

Eqqagassat

Inissiaqarfimmi eqqagassanut nakkartitsisarfeqarpat, igitassat nakkartitsisarfikkut iginneqannginnerminni pappi-aqqamut poortorluarneqarsimassapput imaluunniit puussiamut ikineqarsimassallutik. Inissiaqarfimmi eqqagassanut nakkartitsisarfeqanngitsuni igitassat igitivissatut inissitaasimasunut iginneqartassapput. Igitassat majuartarfeqar-finnut imaluunniit eqqaaveqarfiit naqqinut iliinnarneqassanngillat.

Torsuusarsuaasat majuartarfiillu ataatsimoorussat

Attartortoq inissiaq najugarisami silataani torsuusarsuaasap majuartarfiillu salliarnartaasa eqqiluisaartinneqar-neranni peqataassaaq. Sikkilit, meeraaqqanik aneerussissutit, qamutit pequtillu allat majuartarfinni, majuartarfiit sangoriaanni torsuusarsuaasaniluunniit inissisimatinneqassanngillat.

Antennit

Antennenit sullissineq, attavinnit il.il najugaqartup akisussaaffigai §52 imm. 4 malillugu

Uffarfiit, kuutsitsiviit, perusersartarfiit, erngup qorlorfii il.il.

Annoraamerngit, qiviuusat assigisaalluunniit perusersartarfinnut imeq atorlugu kuutsittakkanut iginneqartassan-ngillat. Erngup qorlorfii, perusersartarfiit imiisivii quisarfittaallu ussiippata, imaluunniit erngup aqcutai allat us-siippata attartortitsisoq piaartumik nalunaarfigineqassaaq.

Mingutsitsineq

Ataatsimoorussamik atorneqartut, soorlu majuartarfeqarfiit, kaajaluisat imaluunniit pinnguartarfiit mingutsin-eqaqqusaanngillat. Illup iigai qisuttaaluunniit titartuiffigeqqusaanngillat, kigartorneqaqqusaanatik qalipan-eqaqqusaanatilunniit. Eqqiaanissaq pitsanngorsaanissarlu pisariaqarpata attartortitsisoq tamatuminnga isuma-ginnissinnaavoq, attartortup akisussaasup akiligassaanik.

Uumasuuteqarneq

Attartortitsisoq allakkatigut akuersiseqqaarnagu qimmeqartoqaqqusaananilu qitsuuteqartoqaqqusaanngilaq. Uumasuuteqarnissamut akuersissummik Kommuneqarfik Sermersooq – Nuuk qinnuteqarfigineqarsinnaavoq Pisuni ataasiakkaani uumasuuteqarnissamut akuersissuteqartoqarnissaa Nuuk City Development aalajangigassaraa. Nalinginnaasumilli qimmit iluaqutit atugaasut, soorlu tappiitsut qimmiisa aamma politiit qimmiisa uumasuutigine-qarnissaat tamatigut akuersissutigineqarsinnaavoq.

Nalinginnaasumik inissiaqarfimmi (inissiat quleriaani) akuersisoqarneq ajorpoq qimmiuteqarnissamut qitsuuteqarnis-samullu. Illuni uiguleriaani tunngaviumik uumasuuteqarnissamut akuersissuteqartoqarsinnaavoq.

Najugaqatigiiffik 190-mi uumasuuteqarnissamik akuersissummik PISINNAANNGILLAT.

Sannatit, nipilersorneq il.il.

Sakkut nipiliortut, soorlu qillerutit, eqqaamiut eqqarsaatigalugit taamaallaat nal. 8-p aamma nal. 19-ip akornanni atorineqaaqusaapput. Majuarterfinni, torsuusaasarsuarni imaluunniit naqqit iluini nipiliorluni pinnguarto-qaqqusaanngilaq. Radiu, fjernsyni, båndoptageri, oqaluttartuq imaluunniit CD-mik nipilersuut eqqaamiunut akornu- taasumik atorineqaaqusaanngillat. Nalliuttorsiornerit nipiliorfiusut eqqaamiut tamatuminnga akuersiseqqaarsimatin- nagit ingerlanneqaaqusaanngillat. Nipilersortartut sungiusartarneri imaluunniit nipilersornermik ilinniartitsisarnerit at- tartortitsisumut isumaqatigiissutigineqaaqqaarsimassapput.

Tamalaanik toqqorsiviit – piliviit

Tamalaanik toqqorsivinni – pilivinni iniluunniit assigisaanni ikuallajasunik, soorlu benzinamik, petroleumik, terpen- tinimik lakkimillu uningatisisoqaaqusaanngilaq. Attartortup init taamaattut parnaarsimanissaat isumagisassaraa – atorineqanngikkaluarpataluunniit.

Kiassaait imermik imallit

Kiassaait imermik imallit ussiillisimappata imaluunniit kiassaateqarfimmiit aqqaataasa arlaat ussiitsoqalersimappat, attartortitsisoq tamanna pillugu piaartumik nalunaarfigineqassaaq.

Allagartalersuineq

Allagartalersuinerit, tassani matumi allagartalersuutit kisiisa pinnagit, attartortitsisumit allaganngorlugu akueri- neqarsimassapput.

Errorsineq

Attartortoq atuisutut allatuulli errorsisarfinnik atuisinnaatitaavoq. Errorsisarfirmik atuneq najoqqutassiat nivinngar- neqarsimasut malillugit aammalu inuup nammineq akisussaaffigisaanik ingerlanneqartassaaq. Errorsisarfiup atortui ajoquteqarpata errorsisarfinnik nakkutilliisut attartortitsisorluunniit nalunaarfigineqassapput. Aneersuarterfinni error- tanik panersiinerit sanilinut akornutaassanngillat.

Inigisami allannortiterinerit

Attartortoq talulersueqqusaananilu talunik piiaaqqusaanngilaq. Aamma attartortitsisoq allaganngorlugu akuersis- suteqarsimatinnagu inissiami allanik allannortiterinissaq inerteqqaataavoq. Allannortiterinissaq akuerineqarsimapp- pat attartortup allannortiterinermut aningaasartuutit tamaasa akilissavai. Allannortitikkat attartorneq atorunnaar- pat pissuserisimasamissut ilisinneqaaqqinnissaat piumasarineqarsinnaavoq. Pissuserisimasamissut ilisinneqaaqqin- nerat attartortup suliarissavaa imaluunniit taassuma akiligassaanik suliaritinneqassaaq. Attartortitsisoq akuersi- seqqaarnagu allannortiterisoqarsimanera paasineqarpata, tamakku attartortup akiligassaanik ingerlaannaartumik pissuserisimasamissut ilisinneqaaqqissinnaapput.

Torsaarnissamut maleruagassat maleruarneqassapput

Torsaarnissamut maleruagassat tamakku, imaluunniit attartornermut peqqussutip tamatumunnga aalajangersa- gartai naapertorlugit torersaarnissamut maleruagassat akuersissutigineqarsimasut attartortup maleruannippagit, tassa torersaarnissamut maleruagassat annertuumik unioqutinneqarsimappata, attartortitsisup attartorneq unitsis- sinnaavaa.

Eqqaamallugu, torersaarnissamut maleruagassat allanuinnaq atuuttussiaanngillat!

Torsaarnissamut maleruagassat pillugit apeqqutissaqaruit uagutsinnut saaffiginissinnaavutit, tassa Iserit A/S, Issortarfimmut 1 B, Postbox 1539, 3900 Nuuk, oqarasuaat.: 36 30 00,

Fax: 36 30 19, e-mail: iserit@iserit.gl Quppersagaq: www.iserit.gl